



EM 2017/7

26/9-2017

Randi Vestergaard Evaldsen

2018-mut aningaasanut inatsisissatut siunnersuut.

(Aningaasaqarnermut Akileraartarnermullu Naalakkersuisoq

(Siullermeernera)

Maani inimi ippasaq ammaanermut atatillugu oqallikkatta massakkorpiaq pisut iserfigillatsiarpakka. Ilaatigut imatut oqarlunga:

- Aningaasaqarnikkut iuariartorneq 7 procentit missaanniittooq, torrak!
- Suliffissaaleqisut ikiliartorput, nuanneq!
- Aatsaat taama amerlatigisut qaffasissumik ilinniarput, kusanaq!
- Aalisarnermik suliallit aningaasarsiorluarput, ajunnginnerusinnaanngilaq!

Aammali oqarpunga massakkorpiaq pisut tatigineqarsinnaanngitsut - siunissaq qissimittariaqaratsigu, tamanna suli atuuppoq.

Taamatut oqareerlunga, qularutissaanngilaq, aningaasarsiorneq iluamik pitsaasumillu ingerlasutut isikkoqarpat, taava pingaartorujussuuvoq uangalu isinni nalinginnaasuuvooq piffissanut pitsaavallaanngitsunut ileeqqaarinissaq. Assiliaq massakkut imak isikkoqarpoq ingerlalluartugut. Tamanna tamatta nuannaarutigissavarput, kisianni siunissaq qanoq ippa? Massakkut anigaasaqarnikkut inisisimanerput ajunngitorujussuuvoq, kisianni ajorluinnaqqissaarpoq Naalakkersuisut 2018-mut Aningaasanut Inatsisissamut Siunnersuutaanni taamaallaat 9 millioner koruunit sinneqartoortigineqassasut tagginneqarmat, aali 7 %-imik siuariartugut. Illeeqqaarisoqanngilaq, aningaasalli ingerlatsinermut atorneqarput, ingerlatsineq allaffisornerlu.



Peqataanilli eqqarsaatigigaanni Aningasaqarnermut Naalakkersuisup oqareernera, isertitassatut taggitat ilaat appartittariaqassasut; taava sinneqartoorutissatut tagginneqartut aanngareersutut isikkoqarput. Uffa ukiorpassuarni siullerpaamik aningaasarsiornikkut massakkoqqissaq ingerlalluarluartugut. Akisussaassusilimmik iliorneturunngilaq, eqqarsariarnarpoq aamma ernumaammernaqaaq. Peqataanik naalakkersuisoqatigiit naalagaaffinngornissaq eqqartorpaat. Demokraatiniiit erseqqissumik oqassaagut, atagu aallaqqaammut tatiginartumik aningaasarsiornikkut ingerlalernissarput qulakkeeqqaalaariartigu aammalu aningaasarsiornikkut namminersuleqqaalaariarta taava tamatumap kingorna politikkimut tunngasut tikikkumaarpagut.

Taamaattumik Naalakkersuisut aperusuppakka:

- Ilumoorlusi oqarpisi, oqarassi Aningaasanut Inatsisisssamut siunnersuut attartullunilu siunissamut isignerusoq?
- Ilumoorlusi oqarpisi, oqarassi Aningaasanut Inatsisisssamut siunnersuut manna alloriarnerusoq imminut attattumik aningaasarsiulernissamut?
- Ilumoorlusi oqarpisi oqarassi, Aningaasanut Inatsisisssamut siunnersuut manna politikkikkut namminersulivinnissamik kissaateqarluni oqalunnermut tulluartoq?
- Ilumoorlusi oqarpisi, oqarassi aaqqissusseqqinnerit Aningaasanut Inatsisisssamut siunnersuummi taasaki allanngortitsiumaartut sipaartitsillutillu ima angitigisumik, allaat siunissamut inuiaqatigiinnik tungiuineq qularnaarneqarsinnaalluni?

Demokraatin tamanna upperivallaanngilarput, ilami takussutissat massakkut takusagut ataqtigijinngingaarmata - isumaqarpugut 2018-mut Aningaasanut Inatsisisssamut siunnersuut sunnguamilluunniit anguniagaqarusussuseqanngitsoq. Asasagut Naalakkersuisut; Ukiorpassuarni aatsaat taama massakkoqqissaq aningaasarsiornikkut ingerlalluarligivugut taamaakkaluartorli malunnartumik sinneqartooruteqartumik Aningaasanulluunniit Inatsisisssamut siunnersuusiorsimanngilasi. Tamanna uagut isitsinni ernumanarpoq akisussaassuseqanngitsuliornerrullunilu. Demokraatin tamanna peqataaffigisinnaanngilarput.

Taamaakkaluartorli Demokraatiniiit nuannaarutigaarput Aningasaqarnermut Naalakkersuisup



erseqqissarmagu piffissami matumanerpiaq ingerlatsinermut aningaasartuutinik amerlanerulersitsinissaq kukkunerussasoq. Tamanna isumaqatigilluinnarparput aammalu neriuppugut naalakkersuisoqatigiit Aningaasaqarnermut Naalakkersuisup taama oqarnera tusaagaat. Tikkuarusuppara eqqaasitsissutigerusullugulu Naalakkersuisut naalakkersuisooqatigiillu ilisserpiat siorna ingerlatsinermut aningaasartuutit qaffangaatsiarassigit, taamaattumik nuannaarutigaara, aningaasaqarnermut naalakkersuisup nammineerluni oqaatigimmagu erseqqisaatigalugulu. Taamaattumik inersuarmi suleqatit, partit, tamanna eqqaamalaarniarisiuk.

Naalagaaffinngornissaq aningaasarsiornerlu

Pingaartorujussuuvoq eqqaamassallugu innuttaasut amerlanerussuteqartut aammalu maani issiasut amerlanerussuteqarluartut politikkikkut namminersulivinnissaq kissaatigimmassuk. Amerlanerussuteqartugulli kissaatigaarpot aatsaat tamanna pissasoq, aningaasarsiornikkut patajaatsumik tunngavissaqalerutta tungiuinerlu akiginagu. Naalagaaffittut namminersortutut bloktiskudit peerlugit suna tamaat nammineq akilertalertussaavarput aamma taassumap iluaniippuit susassaqarfait ullumikkut naalagaaffimmit akilersorneqartut isumagineqartullu.

Tamanna ajornanngitsuaqqamik naatsorsuusiunneqarsinnaavoq. Ukioq mannamut naleqqiullugu 5 milliarder koruunik amerlanerusunik ukiuni tulliuttuni atuisariaqartassaagut. Kisitsisit assersuunniarlugit taava ukiumut 5 milliarder koruunit amingaatigaagut tungiuineq ajornerulersinnagu aningaasarsiornikkut tunngavissaqalernissatsinnut anguniarlugu politikkikkut namminersulivinnissaq. Naalakkersuisut Aningaasanut Inatsisisamut siunnersummik saqqummiussipput 9 millioner koruuninik sinneqartoorfiusussamik - taamaasilluni 5 milliarder koruunit ataatilaarlugit suli amingaatigaagut. 5 milliarder.

Taamatut isummersoraanni taava kialluunniit takusinnaavaa Aningaasanut Inatsisisamut siunnersuut angusaqarusussuseqanngippallaartoq uninngaannarpallaartorlu. Puigussanngilarpummi piffissami matumanerpiaq ingerlalluaratta. Taavami ingerlalluarpallaarunnaarutta imaluunniit ingerlanerlulissagutta, taava qanoq iliussaagut? Taassumarpiaamiuna apeqqutip Naalakkersuisunit akineqarnissaa kissaatigigiga, ingerlanerlulerumaarpugummi, ajoraluwartumik - uagulli Demokraatini qununngilarput tamatumap oqaatiginissaa, piviusormi taamaappoq aamma qunuginngilarput piviusup oqaatiginissaa. Massakkorpiaq nunatsinni ingerlalluarpugut, kisianni massakkorpiamut



taamaallaat takutitsineruvoq, taamaattumik suleqatit ilaasortaaqatit, ilissinnut apeqqutigilaarsiuuk ukiut qulit qaangiuppata qanoq inissisimassanersugut? ukiut 20 -t qaangiuppata? Kinguaattaana qanoq inuuneqarnissaat kissaatigigissi? Ullumikkut uagut inuunitsitut? Aap, taava iliuuseqartariaqarpugut. Pitsaanerusumik kinguaagut inissikkusuppagut? Aap, taava aamma iliuuseqartariaqarpugut. Maannamut naleqqiullugu ajornerusumik? Aap, taava mannakkutut iliuuseqassaagut, sunata, piviusoq puigorlugu ukiullu marlussuinnannguit siumut isigaluta. Demokraatinin nalunngilarput sorusunnerluta, kinguaassagut ajunngitsumik atugaqassapput, minnerpaamik ullumikkut uagut atugaqarnitsitut atugaqassapput, taamaattumik ilungersortariaqarpugut suliaryluggillu pisariaqartut nuanniitsullu, pisariaqarluinnaqqissaarmat.

Aaqqissusseqqinnerit ilumoortut

Demokraatiniiit oqaatigereernikuuarput aamma oqaatigeqqikutsoorsinnaavarput.

Aaqqissusseqqinnerit arriippallaarpot.

Demokraatiniiit ujartortuarpagut aaqqissusseqqinnerit, maannakkullu innuttaasut eqqornialerpagut sakkortuumik. Massakkununa - aningaasarsiornitta ingerlallualernera eqqorlugu, Aaqqissusseqqittussaasugut. Kingusinaassaagut aningaasarsiorneq illuatungaananut mumippat inuiaqatigiinnullu akisoorujussuanngorluni. Isumaqarpupnga Naalakkersuisut innuttaasut unneqqarillutik oqaluttuuttariaqaleraat, siunissami akileraarutit qaffarujussuarumaartut kiisalu tungiuineq nakkariarumaartoq, politikerit suliassat artornartut nuanniitsullu pisariaqartulli aallartiaanngippatigit. Nuanninngilaq oqaatigissallugu, kisianni massakkut iliuuseqanngikkutta tassa kingunissai. Aningaasarsiornikkut siuariartorneq massakkutut sukcatigisumik pinavianngitsoq malunnarpoq, taamaakkaluartorli Naalakkersuisut sipaarumarpasinngillat. Naggataatigut kikkummita akiliissappat? Akiliisussat tassa kinguaariit tulliit. Sooq? Pissutigalugu politikerit sapiissuseq piumassuserlu puigorsimammassuk, imaluunniit pisariarillit suliarinissaannut isiginngitsusaaruinerua?

Aaqqissusseqqinnerit maannamut suliarisimasagut aammalu iluarsartuussinerit pilersaarutaasut assigiissutigaat angusaqarusussuseqarpianginnamik. Inuiaqatigiinni aningaasartuutit iluamik qissiminneqanngillat aammalu kinguneraa aningaasarsiornikkut inissisimanerput malunnartumik ataavartumillu allanngoriartunnginnera.



Tusarnaarusussuseqannginneq

Ajornerpaaq tassaavoq, Naalakkersuisut - Aningaasaqarnermut Naalakkersuisoq siuttoralugu - siunnersuutinut tusaajumannginnerat, Aningaasaqarnermut Siunnersuisoqatigiit nalunaarutaat kingulleq, piffissap ungasinnerusoq isigalugu isumalluarnannngilluinnarpoq, Siunnersuisoqatigiit ernumassutaat Aningaasaqarnermut Naalakkersuisumit soqitigineqarpasinngillat.

Qanoruumi ulloq 14/09-17-mi Aningaasaqarnermut Naalakkersuisoq oqarpoq, Aningaasarsiornermut Siunnersuisoqatigiit aaqqissusseqqinnerit pillugit oqaasii tupigalugit. Tupigusuppoq. Nammineerluta Siunnersuisoqatigiit pilersippagut, Aningaasarsiornermut ilisimatuunik nunatsinni pissutsinut ilisimasaqarluartunik inuttalerlugu. Taamaakkaluartoq Aningaasaqarnermut Naalakkersuisutta immikkut ilisimasaqarnerat tupigusuutigaa, inerniliussaat Naalakkersuisut politikiannut tulluanngimmat. Tamanna eqqarsariarnarpoq, piviusunillu isiginngitsuusaarinertut uanga taarusuppara.

Isumaga naapertorlugu allaanngilaq Aningaasaqarnermut Naalakkersuisup paasisimanngikkaa suliassani annertooq sunaanersoq. Aaqqissusseqqinnerit pisariaqarput - tupigusuallaatigisussaanngilagut. Maannakkut iliuuseqanngikkutta Naalakkersuisut pinialluusaarnerat kinguaassatsinnut akisuupilussuanngortussaavoq aammalu avaqqutaaralutik oqalunnerat qitornatta ernuttattalu isumagineqarnissaannut kinguneqarnerluttussaavoq.

Taamaakkaluartoq suliniutit nuannersunik ilaqarput

Suna tamarmi ajortuunngilaq. Demokraatinuit iluarisimaarparput Naalakkersuisut angallannikkut pitsangorsaatissat aalajangiumammatigit takornariat aggersarnissaat ajornaannerulersussammaat inuussutissarsiatigullu siuarsarneqarlutik. Nuannaarutigaarput timmisartunut suluusalinnut mittarfiit tallinissaannut aningaasaliisoqarmat, aningaasalersuinissarli ernumanartoqartipparput. Tassunga tunngatillugu Naalakkersuisut assut nipaapput uagummi innuttaasullu oqaluttuunneqarpianggilagut sanaartugassat qanoq aningaasalersorneqarniarnersut. Kingulleq tusagарput tassaavoq ammaanermi oqalugiaammini Naalakkersuisut siulittaasuat oqarmat; Naalakkersuisut naatsorsuutigigaat Nuummi Ilulissani Qaqortumilu mittarfiliortiternerit 2018-mi aallartinneqarnissaat naatsorsuutigineqartoq. Kisiani qanoq aningaasalersuisoqassanersoq



oqaatiginngilaa aammalu Aningaasanut Inatsisisamut siunnersuut atuaraluarlugu ersittoqarani. Tamanna eqqumiippoq ernumanarlunilu.

Taamaakkaluartorli Demokraatini suli isumaqarpugut mittarfissanut aningaasaliineq inuiaqatigiinnut iluaquataajumaartoq. Kisianni assorujussuaq paaserusupparput, qanoq aningaasaliinissat isikkoqarneri.

Tamatuma saniatigut nuannaarutigaarput, aatsitassarsiorfinngqqikkatta. Nuanneqaaq rubinisiorfik ammaqqinnejarmat aammalu Naalakkersuisutulli neriuutigaarput 2018-mi aatsitassarsiorfiit mikisut arlallit ukiunilu aggersuni ammarneqarumaartut. Aatsitassarsiorfiit aningaasarsiorntsinnut ataavartumik inuiaqatigiinnut inunnulu ataasiakkaanut iluaqsiisussaapput, sullivit pilersinneqartussaammata najukkanilu ingerlatat amerlanerulerlutik.

Pisortat ingerlatsiviini sipaarutit aamma pitsanngorsaanerit

Isertorneqarsinnaanngilaq nunatsinni pisortat ingerlatsivii annertoorujussuummata. Periutsimik pilersitsinikuuvugut pisortat akulerusimaffigivallaagaanik allaffissorneqartaqarpallaartumillu. Taamaappoq kommunini Namminersorlutik Oqartussanilu. Kusanarnerusumik pilersitsisariaqarpugut. IT atornerusariaqarparput aammalu inuit ikinnerusut. Pisortat ingerlatsivii annikillisartariaqarpagut, aningaasat allaffissornermut atortakkagut assersuutigalugit peqqinnissaqarfimmut atorsinnaalerumallugit.

Imaaliallaannangassaanngilaq, eqqartoratsigumi inuit atorfimminik annasaqarfissaat. Matumanili puigussanngilarput ukiut tamarluinnaasa inuppaalussuit soraarninngortarmata allamilluunniit pissuteqarlutik pisortani atorfitsit nammineq piumassutsiminnik qimattarmassuk. Kommunini Namminersorlutik Oqartussanilu pisuni ataasiakkaani tamani nalilersortalertariaqarpaat ilumut pisariaqarnersoq atorfiiq qimanneqartut inuttaleqqinnejarnissaat. Silassorissumik qajassuartumillu tamanna aqqutigalugu pitsanngorsasoqarsinnaavoq sipaartoqarlunilu, pisariaqarporli uagut politikerit piumasaqarnissarput atorfilitatsinnut. Taamaasiunngikkutta allatut ajornartumik atorfiiq inuttaaruttut inuttassarsiuteqqittartussaavaat.



Ilinniartitaaneq inuussutissarsiornikkullu ineriaartortitsineq

Aningaaarsiorneq pitsanngorsarneqarsinnaanngilaq sipaarerinnakkut - aamma
ningaaasaliisariaqarpoq. Soorlu oqareersugut Dermokraatiniiit isumaqarpugut mittarfinnut
ningaaasaliineq pitsaasuusoq, aammali immikkoortunik allanik peqarpoq, annertuumik
ningaaasaliifigisariaqaraluakkatsnnik. Minnerunngitsumik ilinniartitaanermut inuussutissarsiutinillu
eriaartortitsinermut. Taakkuuppummi inerisagassat.

Ilinniartitaaneq eqqarsaatigalugu, nunani avannarlerni suleqatitsinnut naleqqiulluta ullumikkut
annertunerujussuarnik aningaaasaliisareerpugut. Ajoraluartumilli kingunerit aningaaasaliissutinut
naapertuitinngillat. Demokraatinit taamaattumik isumaqarpugut piffissanngortoq nuna
tamakkerlugu isumaqatigiissutigissagipput, meeqqat atuarfianut aningaaasaliineq tassaasoq
ilinniartitaanermut aningaaasaliifigisinsinnaasatsinni pitsaanerpaarpaaq. Kisianni soorunami allat
puigussanngilagut, taamaakkaluartorli ilungersuutigilertariaqarparput meeqqat atuarfiata
pitsanngorsarnissaa, tunngaviummat kingorna ilinniarfinnut ingerlaqqissinnaanissamut.

Tamanna tunngavigalugu Demokraatini isumaqarpugut, ilinniartitsisunngorniartarneq
malunnartumik pitsanngorsartariaqarparput aammalu ilinniaqqittarnerit allat. Atuartitsinermi
sinaakkutissat pitsasut qulakteertariaqarpagut assersuutigalugu IT-mik atuineruneq aqqutigalugu
aamma alimasissumik atuartitsineq.

Piginnaasat qaffassarneqassapput. Imaassappalli tuluttut imaluunniit matematikkimi
ilinniartitsisunik piginnaaneqarluartunik tikisitsisariaqassasugut, taava tamanna
isumagisariaqarparput. Imaassinjaavoq akisunerusoq aappaatigulli iliuuserisinnaasatsinni
pitsaanerpaasussaavoq, ilinniarsimassutsikkut qaffassaaneq siuariartornissamut,
atugarissaarnerulernissamut tungiilliurnissamullu aqqutaammat pitsaanerpaaq. Ajoraluartumilli
Naalakkersuisut takusimarpasinngilaat pissutsit qanoq ilungersunartignerat. 2018-mut
Aningasanut Inatsisissatut siunnersuummi taamaallaat atuarneqarsinnaavoq, ilinniartitaanerup
iluani pingaarutilinnik aalajangiinissamut ilinniatitaaneq ataqtiginneruleqquillugu
aaqqissusseqqinnissaq utaqqineqassasoq. Piareersarluni suliassartaa siusinnerpaamik 2019-mi
piariissaaq taamaasillunilu politikkikkut aalajangiinertassai aatsaat 2010-mi imaluunniit 2021-mi
pisinnaassapput. Ajourpoq, kingusippallaarujuussuaqaaq, ukioqatigiaat 4-5 annerusumik



minnerusumilluunniit suli eqqornerlilerpagut.

Demokraatinut taama utaqkitiginiisaq pitsasutut isiginngilarput. Meerartatta pisariaqartippaat meeqqat atuarfiat pitsaanerusumik annertunerusumillu ilisimasaqarfiusoq. Iliuuseqannginnissaq akisualaassaaq, tamannalu peqataaffigerusunngilarput, peqataaffigisinnaanngilarpullu.

Alla isumatusarluta aningaasaliiffigisinnaasarput tassaavoq inuussutissarniutinik ineriaortitsineq. Allatut ajornarluinnartumik suliffit aallarnisaasartullu ullumimut naleqqiullugu pitsaanerulluinnartunik atungaqartittariaqarpagut. Alloriarneq siulleq tassaassaaq ingerlatseqatigiiffit akileraarutaannik malunnartumik appaanissaq, suliffit unammillersinnaassusaat malunnartumik pitsangorsarumallugu aammalu aningaasaliinissaminnut akissaqarnerulersikkumallugit, tamatuma kinguneranik sulliviit amerlanerusut pilersinneqarsinnaaqquallugit taamaasillunilu inuiaqatigiinni annerusumik siuariartortoqalerluni.

Tamatuma saniatigut pingaruteqarpoq inuussutissarsiutit ilungersorluta ineriaortissimasatta aserunnginnissaat. Tassani sualummik aalisarneq eqqarsaatigaara. Naalagaaffiuvugut pikkorissorsuarnik aalisartulik aammalu aalisarnerup silarsuaani piginnaanilissuarnik. Tamannalu atorluassagutsigu pisariaqarpoq, imartatsinni aalisagaqarnissaa. Taamaattumik uungaralaannguaq isigneruallaqaaq Naalakkersuisut ajornartorsiutigilluinnarmassuk ilisimatuut innersuussutaat tusarnaassallugit. Tamattami eqqaamalluarparput assagiarsuit saarulliillu tammakarnerat. Massakkullu aamma ajoraluartumik alianartumik takusinnaavarput Qeqertarsuup Tunuani qaleralinniarneq aamma aserulersoq. Aamma tessani immikkoortumi pikkoriffiginerusariaqarparput immikkut ilisimasallit qanoq oqaassisqaqnersut.

Aningaasanut Inatsit pillugu isumaqatigiinniarnissat tullii

Demokraatini neriuutigaarput Naalakkersuisut 2018-mut Aningaasanut Inatsisisamut Siunnersuutip isumaqatigiinniutigineqarnissaanut aggersarumaaraatigut. Tunniussaqarusuppuugut kisianni oqaatigereertariaqarparput, 2018-mut Aningaasanut Inatsissatut siunnersuut angusaqarusussuseqarnerusariaqarmat siunissamullu ungasinnerusumut isignerulluni, ataqatigiinnerunissaalu.



Taamatut oqaaseqarluta siunnersuutip Aningaasaqarnermut Akileraartarnermullu
Ataatsimiititaliami suliareqqinnejarnissaa innersuussutigaarput.